

HEALTHY BIRTH DAY, INC.

(*lwm lub npe yog COUNT THE KICKS*)

COV NTSIAB LUS SIV

Siv Tau Txij Lub Xya Hlis 9, 2018.

Cov Lus Qhib

Txoj dej num ntawm lub koom txoos tsis yuav cov nyiaj paj (nonprofit organization) 501(c)(3) Healthy Birth Day, Inc. yog los txo cov me nyuam tuag hauv niam plab kom muaj tsawg los ntawm Count the Kicks txoj kev khiav hauj lwm ua kom tsoom neeg sawv daws paub zoo txog txoj kev noj qab haus huv. Count the Kicks muab kev cob qhia rau cov niam cov txiv uas yuav muaj me nyuam kom paub txog qhov tseem ceeb thiab txoj hau kev muab kev kuaj xyuas tus me nyuam mos hauv plab qhov nws nti mus los thaum muaj xya hlis mus rau cuaj lub hlis. Cov poj niam uas ceev xeeb tub muaj lub hwj chim los mus cawm lawv tus mos liab txoj sia los ntawm qhov paub txog lawv tus mos liab cov kev nti mus los thiab muaj lub siab tawv qhia rau lawv tus kws kho mob paub thaum muaj ib qho hloov pauv. Cov Ntsiab Lus Siv nram qab no yuav tswj cov kev sib fim mus los nrog peb lub Count the Kicks App.

Kev Lees Txais Cov Ntsiab Lus Siv

Cov Ntsiab Lus Siv no yog muab los pom zoo los ntawm Koj thiab lub Tuam Txhab, nws cov koom txoos koom hauj lwm nrog thiab cov koom txoos nyob qab tswj ("**Tuam Txhab**" los yog "**peb**" los yog "**peb sawv daws**"). Cov Ntsiab Lus Siv nram qab no thiab cov cai, nrog rau cov ntaub ntawv uas muab los siv (uas yog muab los tso ua ke, "**Cov Ntsiab Lus Siv**" no), yuav tswj qhov koj mus saib tau thiab siv peb lub Count the Kicks app (peb lub "App") suav nrog rau cov ntaub ntawv muaj nyob hauv, kev khiav hauj lwm thiab cov kev pab uas muaj rau ntawm los yog hauv peb lub Count the Kicks App los yog lub Website, www.countthekicks.org.

Thov ua tib zoo nyeem Cov Ntsiab Lus Siv ua ntej koj pib siv lub App. Txoj kev siv lub App los yog nias los mus lees txais los yog pom zoo rau Cov Ntsiab Lus Siv thaum qhov kev xaiv no muaj rau koj, koj lees txais thiab pom zoo los mus coj thiab ua raws li Cov Ntsiab Lus Siv (Terms of Use) thiab peb Tsab Cai Tsis Pub Lwm Tus Paub Txog Koj Ntiag Tug (Privacy Policy), [nrhiav tau ntawm no](#), muab tso rau hauv daim ntawv no ua pov thawj siv tau. Yog koj tsis xav los mus pom zoo rau Cov Ntsiab Lus Siv no los yog Tsab Cai Tsis Pub Lwm Tus Paub Txog Koj Ntiag Tug, koj yuav tsum tsis txhob nkag mus los yog siv qhov App.

Lub App no yog muab rau thiab muaj nyob ntawd rau cov neeg siv uas muaj hnuv nyoog 16 xyoos los yog tshaj saud. Txoj kev siv lub App no, koj sawv cev thiab lav loos tias koj ua tau raws li cov cai muaj feem siv tau qhov no. Yog koj ua tsis tau raws li cov cai kom ua no, koj yuav tsum tsis txhob nkag mus los yog siv lub App.

Rau cov hom phiaj ntawm tsab Cai Tswj Hwm Pov Thaiv Ntaub Ntawv (General Data Protection Regulation), Tus Tswj Ntaub Ntawv (Data Controller) thiab EU Tus Neeg Sawv Cev yog QCI ntawm West Des Moines, Iowa, uas qhov tiv tauj tau nws yuav nrhiav tau hauv qab no.

Nyob thoob plaws hauv Cov Ntsiab Lus Siv no peb siv lo lus "**Cov Teb Chaws Raug Tsa** (Designated Countries)" yog cov teb chaws nyob hauv European Union (EU), European Economic Area (EEA), thiab Switzerland. Yog koj nyob hauv Cov Teb Chaws Raug Tsa no, koj muaj ib cov cai uas peb xav kom koj paub txog. Cov cai no yuav muab hais qhia ua lub hauv paus lus rau Cov Teb Chaws Raug Tsa nyob rau qhov siv tau.

Cov Kev Hloov Pauv rau Cov Ntsiab Lus Siv

Tej thaum peb kuj yuav muab Cov Ntsiab Lus Siv no hloov los yog muab kho dua tshiaj raws li qhov peb pom tias yuav tau ua. Txhua qhov kev hloov pauv yuav siv tau tam sid thaum peb muab tso rau sawv daws pom thiab siv rau txhua qhov kev nkag mus thiab siv peb lub Website tom qab ntawd. Yog peb siv ntawv rau cov kev hloov pauv Cov Ntsiab Lus Siv no, peb yuav muab ntawv ceeb toom rau koj nyob hauv peb lub Website thiab App, los yog lwm txoj kev, kom koj muaj lub sijhawm los tshuaj xyuas cov kev hloov pauv ua ntej muab los siv.

Koj txoj kev siv lub App mus ntxiv tom qab muab Cov Ntsiab Lus Siv uas tau muab hloov kho tso rau sawv

daws pom lawm txhais hais tias koj lees txais thiab pom zoo rau cov kev hloov pauv. Koj yuav tau tuaj kuaj xyuas phab ntawv no tsis tu ncuu xwv koj thiaj paub cov kev hloov pauv, vim koj yuav tau ua raws li cov no.

Cov Luag Hauj Lwm Yuav Tau Ua

Ntawm no yog ib cov lus lav tseg uas koj muab rau peb los ntawm qhov koj lees txais Cov Ntsiab Lus Siv no:

Koj Tus As-khauj

Yog koj xaiv qhov tsim kom tau ib tus As-khauj rau ntawm peb lub App, koj pom zoo li nram qab no:

- Koj yuav ceev koj tus password tsis pub leej twg paub.
- Koj yuav tsis qhia ib tus As-khauj rau leej twg li thiab yuav ua raws li peb cov cai tswj, suav nrog rau tab sis kuj tsis yog tas rau Cov Ntsiab Lus Siv no thiab peb Tsab Cai Tsis Pub Lwm Tus Paub Txog Koj Ntiag Tug, thiab tsab cai lij choj.
- Koj ris lub nra rau txhua yam uas muaj tshwm sim hauv koj tus As-khauj tshwj tsis yog koj muab nws kaw los yog tshaj qhia paub tias siv tsis yog lawm.
- Koj lees paub tias tej ntaub ntawv uas muab nyob hauv lub app yog rau txoj kev qhia kom paub cov hom phiaj nkaus xwb thiab tsis yog muab los siv rau kev tshuaj xyuas kom paub tus mob los yog kho tus mob. Kev siv cov ntaub ntawv no yuav tsum ua raws li koj tus kws kho mob pom zoo.

Cov Ntawv Ceeb Toom thiab Cov Xov Xa Tuaj

Txoj kev nkag tau mus rau hauv peb lub App, koj pom zoo li nram qab no:

- Koj tso cai pom zoo rau peb muab cov ntawv ceeb toom thiab cov xov xa tuaj rau koj hais txog peb lub app los yog cov kev pab. Yog koj tus xov tooj, chaw nyob los yog email thiab lwm yam hloov lawm, koj yuav tsis tau txais cov ntawv ceeb toom uas tseem ceeb.
- Kom pom zoo tias peb muab cov ntawv ceeb toom thiab cov xov xa tuaj rau koj siv cov hauv kev no: (1) hauv lub App, los yog (2) muab xa rau cov chaw uas koj tau muab rau peb (xws li, email, xov tooj ntawm tes, lub tsev qhov chaw nyob). Koj pom zoo ceev koj tus xov tooj, chaw nyob los yog email thiab lwm yam kom yog tus tshiab.
- Koj pom zoo tias Healthy Birth Day, Inc., uas txoj hauj lwm yog los pov thaiv cov kev me nyuam tuag hauv plab thiab cawm cov mos liab txoj sia, yuav siv tau koj cov data suav me nyuam nti mus los rau hauv kev tshawb fawb, cov kev soj ntsuam los yog cov kev kawm uas muaj lub hom phiaj txhawb peb qhov kev pab cuam thiab uas kom nws ua tau hauj lwm zoo dua qub tuaj.

Cov Cai thiab Cov Kev Txwv

Koj yog tus tswv ntawm koj cov ntaub ntawv

Koj yog tus tswv rau tas nrho cov lus muaj nyob hauv cov ntaub ntawv, cov tswv yim, thiab tej ntaub ntawv ntiag tug uas koj muab rau peb. Peb yuav fwm koj cov kev xaiv tias peb yuav koj tej ntaub ntawv mus li cas. Koj thiab lub Tuam Txhab pom zoo tias yog koj cov ntaub ntawv muaj cov data ntiag tug, nws yuav nyob rau hauv kev tswj ntawm peb Tsab Cai Tsis Pub Lwm Tus Paub Txog Koj Ntiag Tug. Koj thiab lub Tuam Txhab pom zoo tias peb yuav nkag saib tau, khaws, lis thiab siv cov ntaub ntawv thiab cov data ntiag tug uas koj muab kom mus raws li cov lus nyob hauv peb Tsab Cai Tsis Pub Lwm Tus Paub Txog Koj Ntiag Tug.

Koj pom zoo tsuas muab cov ntaub ntawv uas tsis txhaum tsab cai lij choj los yog lwm tus cov cai (suav nrog rau cov cai hais txog tej yam uas yog lub tswv yim tsim los). Koj tseem pom zoo tias tej ntaub ntawv koj muab muaj tseeb. Lub Tuam Txhab yuav tshem qee cov ntaub ntawv tawm raws li txoj cai lij choj kom ua.

Lwm Yam Lus Nyob Hauv, Sites thiab Apps

Txoj kev siv peb lub App los yog cov kev pab, tej zaum koj yuav pom cov lus nyob hauv los yog cov ntaub ntawv uas tej zaum tsis muaj tseeb, tsis txhij txhua, qeb, coj mus rau qhov yuav kev, tsis raws txoj cai, ua rau mob lwm tus los yog phom sij. Peb tsis tuaj yeem pov thaiv tau txoj kev siv peb cov kev pab uas tsis yog zoo li no, thiab koj pom zoo tias peb yuav tsis lav ris lub nra rau txoj kev siv tsis yog no.

Koj yog tus ris lub nra yog koj txiav txim siab xav nkag mus los yog siv tus thib peb cov apps los yog websites uas tej zaum yuav txuas los ntawm peb lub Website los yog cov kev pab. Yog koj cia rau ib tus thib peb lub app los yog website pub koj nkag tau mus rau hauv, tej zaum lub app los yog website ntawd yuav muaj cuab kav muab tau cov ntaub ntawv ntsig txog koj. Tus thib peb cov apps thiab websites muaj lawv tus kheej Cov Ntsiab Lus Siv raws cai thiab cov cai tsis pub lwm tus paub txog koj ntiag tug, ces tej zaum koj yuav muab lus tso cai rau lawv los siv koj cov ntaub ntawv uas tej zaum peb yuav tsis muab. Tshwj qhov uas tej zaum txoj cai uas siv tau rau qhov no hais kom yuav tsum tau ua, lub Tuam Txhab yuav tsis ris lub nra rau lwm cov websites thiab apps—siv cov no nyob rau ntawm koj tus kheej kev pheej hmoo. Thov mus saib Tsab Cai Tsis Pub Lwm Tus Paub Txog Koj Ntiag Tug.

Cov Kev Txwv

Lub Tuam Txhab muaj cai txwv koj txoj kev siv peb lub App los yog cov kev pab, suav nrog rau tus naj npawb ntawm koj cov kev txuas. Lub Tuam Txhab muaj cai txwv, tshem, los yog txiav koj tus As-khauj kom tsis muaj yog hais tias lub Tuam Txhab ntseeg tias tej zaum yuag yog koj ua tsis raws Cov Ntsiab Lus Siv, peb Tsab Cai Tsis Pub Lwm Tus Paub Txog Koj Ntiag Tug, cai lij choj los yog siv lub Website los yog peb cov kev pab tsis yog lawm.

Cov Cai Hais Txog Tej Yam Uas Yog Lub Tswv Yim Tsim Los

Lub Tuam Txhab muaj cai tuav nws tus kheej cov cai hais txog tej yam uas yog lub tswv yim tsim los hauv peb lub App thiab cov kev pab. Txoj kev siv lub App los yog cov kev pab yuav tsis muab txoj kev ua tus tswv rau peb cov kev pab los yog cov lus nyob hauv los yog cov ntaub ntawv uas muaj nyob hauv peb lub App thiab cov kev pab. Cov cim lag luam thiab cov logos uas muab siv rau hauv txoj kev txuas nrog lub App los yog cov kev pab yog cov cim lag luam ntawm lawv tus tswv ntawd.

Kev Lis Uas Tsis Siv Tib Neeq

Peb yuav siv cov ntaub ntawv thiab cov data uas koj muab thiab peb tau hais txog koj los mus muab lus pom zoo rau cov kev txuas, cov lus nyob hauv thiab cov yeeb yam uas tej zaum yuav pab tau koj. Piv txwv, tej zaum peb yuav siv cov data thiab ntaub ntawv hais txog koj los qhia cov khoom kom siv rau koj. Txoj kev ceev koj cov ntaub ntawv kom raug thiab muab kho thaum muaj cov tshiab yuav pab peb muab tau cov lus qhia no raug dua thiab phim zoo dua.

Lus Tsis Kam Lees thiab Txwv Kev Ris Nqi

Tsia Muaj Qhov Lav

NYOB RAU QHOV PUB UA TAU RAWS TXOJ CAI, LUB TUAM TXHAB THIAB NWS COV KOOM TXOOS KOOM HAUJ LWM NROG (THIAB COV UAS LUB TUAM TXHAB UA HAUJ LWM NROG LOS MUAB COV KEV PAB (A) TSIS KAM LEES TAG NROG COV LUS LAV THIAB COV LUS MUAB LOS HAIS MUAJ TSEEB (PIV TXWV, COV LUS LAV LOOS RAU COV KHOOM MUAG TAU, KEV HAUM RAU IB LUB HOM PHIAJ TSHWJ XEEB, QHOV MUAJ TSEEB NTAWM COV DATA, THIAB TSIS MUAJ QHOV YUAM CAI); (B) TSIS LAV LOOS TIAS COV KEV PAB YUAV UA HAUJ LWM YAM TSIS MUAJ QHOV CUAM TSHUAM LOS YOG YUAM KEV, THIAB (C) MUAB QHOV KEV PAB (SUAV NROG QHOV MUAJ NYOB HAUV THIAB NTAUB NTAWV) RAU NTAWM "RAWS LI QHOV YOG" THIAB "RAWS LI QHOV MUAJ".

IB COV CAI LIJ CHOJ TSIS PUB MUAJ QEE COV LUS TSIS KAM LEES, YOG LI IB COV LOS YOG TAS NRHO COV LUS TSIS KAM LEES NO TEJ ZAUM YUAV TSIS SIV RAU KOJ.

Kev Tsis Xam Muaj Qhov Ris Nqi

NYOB RAU QHOV TSO CAI UA TAU RAW S TXOJ CAI (THIAB TSHWJ TIAS NTSHE LUB TUAM TXHAB TAU MUAJ IB DAIM NTAWV COG LUS NWS MUAJ NWS UAS YUAM TAU DAIM NTAWV COG LUS NO), LUB TUAM TXHAB THIAB NWS COV KOOM TXOOS KOOM HAUJ LWM NROG (THIAB COV UAS LUB TUAM TXHAB UA HAUJ LWM NROG LOS MUAB COV KEV PAB) YUAV TSI S MUAJ QHOV RIS TUS NQI RAU KOJ LOS YOG LWM TUS RAU NTAWM TXHUA YAM KEV PUAS TSUAJ UAS YOG RAUG NCAJ QHA, YUAM KEV, TSHWJ XEEB, XAUS, LOS YOG NPLUA NYIAJ, LOS YOG POOB COV DATA, SIJ HAWM, LUB NPE ZOO, TAU COV NYIAJ PAJ LOS YOG COV NYIAJ TAU LOS, NTSIG TXOG COV KEV PAB (PIV TXWV, TEJ LUS HAI S MOB LOS YOG TXOB THUAM, SIJ HAWM TXO LOS YOG POOB, SIV, LOS YOG HLOOV PAUV RAU, KOJ TEJ NTAUB NTAWV LOS YOG QHOV MUAJ NYOB HAUV).

TSIS MUAJ IB QHOV TWG UAS QHOV RIS NQI NTAWM LUB TUAM TXHAB THIAB NWS COV KOOM TXOOS KOOM HAUJ LWM NROG (THIAB COV UAS LUB TUAM TXHAB UA HAUJ LWM NROG LOS MUAB COV KEV PAB) YUAV TSUM NTAU TSHAJ, HAUV QHOV NTAU TSHAJ PLAWS NTAWM TAS NRHO COV NQI KOM THEM, IB QHO NYIAJ UAS TSAWG DUA (A) TSIB NPAUG NTAWM TUS NQI THEM TXHUA HLI LOS YOG TXHUA XYOO SAI DHAU LOS NO UAS KOJ TAU THEM RAU IB QHO KEV PAB, YOG TIAS MUAJ, LOS YOG (B) \$1000 USD.

QHOV TXWV KEV RIS NQI NO YOG IB FEEM NTAWM TXOJ KEV SIB KHOM TUS NQI NTAWM KOJ THIAB LUB TUAM TXHAB LUB TUAM TXHAB THIAB YUAV TSUM SIV TAU RAU TXHUA COV NTAWV KOM THEM TUS NQI (PIV TXWV, KEV LAV LOOS, KEV UA TXHAUM LWM TUS TXOJ CAI, TSI S XYUAM XIM SAIB XYUAS KOM ZOO, NTAWV COG LUS, CAI LIJ CHOJ) THIAB TAB TXAWM YOG TIAS TAU HAI S RAU LUB TUAM TXHAB LOS YOG NWS NWS COV KOOM TXOOS KOOM HAUJ LWM NROG PAUB TXOG QHOV YUAV MUAJ TAU IB QHO KEV PUAS TSUAJ NO TWG, THIAB TAB TXAWM YOG TIAS COV KEV KHO KOM ZOO UA TSI S TAU RAW S LI LAWV LUB HOM PHIAJ TSEEM CEEB UAS YUAV TSUM TAU MUAJ.

IB COV CAI LIJ CHOJ TSI S PUB MUAJ QHOV KEV TXWV LOS YOG TSI S XAM MUAJ QHOV RIS NQI, YOG LI TEJ ZAUM COV KEV TXWV NO YUAV TSI S SIV RAU KOJ.

Kev Txia v Tu

Koj thiab lub Tuam Txhab neb ob tog yuav muab cov lus pom zoo raws li Cov Ntsiab Lus Siv no txia v tu lub sij hawm twg los tau uas yog sau ntawv ceeb toom qhia rau tus sab tod paub xwb. Thaum txia v tu lawm, koj yuav poob qhov muaj cai nkag tau mus los yog siv peb cov kev pab. Thaum txia v tu lawm cov nram qab no yuav nyob mus:

- Peb muaj cai los mus siv thiab tso tawm koj tej tswv yim uas muab rau peb;
- Cov Nqe Lus ntawm Cov Ntsiab Lus Siv Nram Qab No: Lus Tsis Kam Lees thiab Txwv Kev Ris Nqi; Cai Tswj Hwm thiab Daws Teeb Meem Hais Tsis Sib Haum; thiab Cov Lus Hais Dav Dav;
- Cov nqi tseem tshuav tsis tau them los ntawm ib tog twg ua ntej qhov kev txia v tu yuav nyob ntawd tom qab txia v tu.

Yog koj tau tsim muaj ib tus as-khauj, koj tua j yeem hu tau rau peb uas yog siv peb Cov Ntaub Ntawv Qhia Tias Yuav Hu Tau Rau Peb Li Cas hauv qab no los kaw koj tus As-khauj.

Cai Tswj Hwm thiab Daws Teeb Meem Hais Tsis Sib Haum

Yog thaum peb ho muaj ib qho sib hais tsis sib haum raws txoj cai, lub Tuam Txhab thiab koj pom zoo los daws qhov teeb meem nyob hauv lowa cov tsev txia v txim plaub ntug siv lowa cai lij choj, los yog Teb Chaws Meskas siv Teb Chaws Meskas cai lij choj.

Cov Lus Hais Dav Dav

Yog hais tias ib lub tsev txia v txim plaub ntug uas muaj cai kav Cov Ntsiab Lus Siv no pom tias muaj if feem twg ntawm Cov Ntsiab Lus Siv no yuav muab los yuam tsis tau raws txoj cai, koj thiab peb pom zoo tias lub tsev txia v txim plaub ntug yuav tsum kho cov lus los ua kom feem ntawd muab los yuam tau hais raws txoj cai uas yog ib qho tseem ua tau raws li nws lub hom phiaj. Yog hais tias lub tsev txia v txim plaub ntug ua tsis tau li

ntawd, koj thiab peb pom zoo hais kom lub tsev txiav txim plaub ntug los mus tshem tawm feem uas muab los yuam tsis tau raws txoj cai ntawd tab sis tseem yuam tau lwm feem ntawm Cov Ntsiab Lus Siv kom raws txoj cai.

Yog hais tias peb tsis nqes tes muab ib qho ua txhaum Cov Ntsiab Lus Siv No los yuam kom ua raws txoj cai, qhov ntawd tsis txhais hais tias peb tso txoj cai uas peb muaj los mus yuam Cov Ntsiab Lus Siv no kom ua raws txoj cai. Koj yuav tsis muab los yog xa koj cov cai muaj nyob hauv Cov Ntsiab Lus Siv no rau ib tus twg yam tsis tas muaj peb lus tso cai pom zoo. Txawm li cas los, koj pom zoo tias peb yuav muab tau peb cov cai nyob hauv Cov Ntsiab Lus Siv no rau peb cov koom txoos uas koom hauj lwm nrog los yog ib pab uas yuav lub Tuam Txhab yam tsis tas muaj koj tso lus cai pom zoo. Nws tsis muaj tus thib peb cov neeg uas yuav tau txais txiaj ntsig rau Cov Ntsiab Lus Siv no.

Koj pom zoo tias tib txoj kev muab ntawv ceeb toom hais txog teeb meem ntsig txog txoj cai rau peb yog nyob rau ntawm cov chaw nyob hauv nqes lus "Cov Ntaub Ntawv Qhia Tias Yuav Tiv Tauj Tau Peb Li Cas" hauv qab no.

Cov Ntaub Ntawv Qhia Tias Yuav Tiv Tauj Tau Peb Li Cas

Tas nrho cov lus nug, cov lus xav hais thiab cov kev thov hais txog Cov Ntsiab Lus Siv no yuav tsum muab hais mus rau:

Healthy Birth Day, Inc.

Attn: CEO

1820 N.W. 118th St., Clive, IA 50325 USA

515-650-8685

info@countthekicks.org

Rau cov hom phiaj ntawm tsab Cai Tswj Hwm Pov Thaiv Ntaub Ntawv (General Data Protection Regulation), cov neeg nyob hauv cov Teb Chaws Raug Tsa (Designated Countries) yuav tiv tauj tau peb Tus Neeg Sawv Cev EU yog muaj lus nug, muaj cov lus xav hais thiab lus thov hais txog Cov Ntsiab Lus Siv no:

Ascenditure, Ltd.

Attn: Count the Kicks App Developer

300 W. Arroyo St., Reno NV 89509

775-737-1988

Chris@ascenditure.co